

ZAPISNIK

sa šeste redovne godišnje Skupštine Društva bibliotekara pravnih i srodnih biblioteka Jugoistočne Europe (u daljnjem tekstu Društvo), održane dana 21.06.2014. godine, u Neumu, hotel „Neum“

Skupština započela u 10:00 časova.

Godišnjoj skupštini prisustvovali su:

1. Edita Bačić
2. Blaženka Peradenić-Kotur
3. Sanja Golijanin
4. Dragutin Nemeč
5. Maja Kaljanac
6. Violetta Bottazzo
7. Ljiljanka Šunje
8. Goran Petrović
9. Svetlana Mirčov
10. Radmila Dabanović
11. Ivana Teronić Oruč
12. Mirela Rožajac-Zulčić
13. Arijana Džanović
14. Mirela Mehić
15. Ljiljana Siber
16. Maja Đorđević
17. Verica Petrović

Godišnjom skupštinom predsjedavala je Edita Bačić. Usvojen je slijedeći

DNEVNI RED

1. Izvještaj o radu Društva
2. Finansijski izvještaj
3. Izbor tijela Društva: Upravni odbor Društva i predsjednik/ca
4. Plan rada Društva za naredno razdoblje

Ad 1) Predsjednica Društva izvijestila je prisutne o dosadašnjem poslovanju, provedenim projektima vezanim uz rad Društva, organizacijom skupova i o produženju članstva u IALL.

Predsjednica je informisala prisutne članove Društva o načinu sudjelovanja Društva u organizaciji jednodnevne IFLA-ine radionice koja će se održati u Splitu 16.10.2014. godine u saradnji s IFLA Law Libraries Sekcijom i Radnom grupom za pravne i srodne knjižnice HKD-a. Članovi Društva koji se prijave za radionicu (do 15.07.) imaće pokrivene troškove smještaja dvije noći u dvokrevetnoj sobi u Splitu od 15 – 17.10.2014. godine. Troškovi prevoza nisu predviđeni za regres u potpunosti, ali postoji mogućnost djelimičnog regresa, zavisno od raspoloživih sredstava. Radionici će prisustvovati i dvije članice IFLA-e, Dona Scheeder i Claire Germain, a troškovi radionice dio su projekta IFLA Law Libraries Sekcije koju pokriva IFLA.

Edita Bačić obavijestila je članove SEALL-a produženju članstva u međunarodnoj organizaciji IALL, u koju se Društvo učlanjuje već treću godinu u kontinuitetu. Članarina za 2014. godinu iznosi 130 \$.

Društvo je ove godine proslavilo deset godina svog djelovanja, doduše neformalnih deset godina (registrovani smo od 2009.), ali vrlo vrijednih i ozbiljnih deset godina profesionalnog djelovanja u čitavoj regiji Jugoistočne Evrope. U tom smislu priređuje se za štampanje Zbornik radova članova Društva koji se odnosi na proteklo razdoblje, a promocija se planira za naredni Okrugli stol u Neumu 2015. godine. Također je dogovoreno da se ažurira rad na web stranicama Društva, a zbog velikog obima posla potrebno je više vremena za obavljanje tajničkih poslova, te je u tom smislu predložena pomoć u radu dosadašnjoj tajnici. Prisutni su se zahvalili na radu dosadašnjoj dugogodišnjoj tajnici Arijani Džanović i uz njenu podršku za novu tajnicu za naredno dvogodišnje razdoblje izabrana je Violetta Bottazzo.

Ad 2) Pored redovnih godišnjih članarina koje uplaćuju svi članovi Društva, a koja i dalje ostaje nepromijenjena (10 Eura), Društvo je zatražilo i dobilo obećanje za finansijsku podršku (donaciju u visini 200 Eura) od strane Tax-Fin-Lex, preduzeća koje je ove godine prijavilo sudjelovanje na Okruglom stolu s prezentacijom svoje pravne baze podataka. Također je odobrena donacija Društvu u iznosu od 200 Eura od strane EBSCO izdavača koji se prošle godine predstavio na Okruglom stolu u Neumu sa svojom bazom podataka.

Članarinu za proteklo razdoblje (u iznosu od 410 Eura) sakupljenu do Beograda (listopad, 2013. – članarinu predao Goran Petrović), kolegica Blaženka Kotur je predala Editi Bačić za polaganje na račun Društva.

Prisutni su jednoglasno prihvatili narativni i financijski Izvještaj o radu i poslovanju Društva za razdoblje 2013. Saldo na računu Društva iznosi 1.050,00 kuna na dan 18.06.2014. godine.

Ad 3) Skupština je pristupila izboru tijela Društva. Prvo je izabrala članove Upravnog odbora Društva. Editi Bačić, Goranu Petroviću, Dragutinu Nemecu i Saši Madackom produžila je mandat za rok od dvije godine (2014-2016), a kolegica Svetlana Mirčov predložila je da umjesto nje članstvo u Upravnom odboru Društva preuzme kolegica Radmila Dabanović.

Skupština je jednoglasno potvrdila sljedeće članove Upravnog odbora:

1. **Edita Bačić**
2. **Goran Petrović**
3. **Dragutin Nemec**
4. **Saša Madacki**
5. **Radmila Dabanović**

Nakon toga, članovi Skupštine pristupili su izboru predsjednice Društva. Za predsjednicu Društva jednoglasno je izabrana Edita Bačić, kojoj je produžen mandat za rok od dvije godine (2014-2016).

Ad 4) *Sve već spomenute i započete aktivnosti Društvo planira i dalje nastaviti uz saradnju sa svim dosadašnjim partnerima i državnim institucijama i u narednom razdoblju.*

Na regionalnom nivou planira se nastavak djelovanja u okviru redovnih skupova: Okrugli stol BPSB u Neumu u saradnji s Pravnim fakultetom u Mostaru, nastavak saradnje s Fondacijom Kemal Bakaršić iz Sarajeva i godišnji susreti i održavanje skupštine Društva na Pravnom fakultetu u Beogradu. Također je dogovoreno da članovi društva sudjeluju i na Međunarodnim susretima bibliotekara slavista koji se održavaju svake godine u Sarajevu. Planirana je saradnja sa svim udruženjima bibliotekara, kao i svim drugim srodnim udruženjima iz regije s kojima je Društvo sarađivalo i ranije. Također je odlučeno da će Društvo i dalje biti član međunarodnih udruženja, pogotovo IALL, kao što je to već nekoliko godina. Određen je rok za prijavu i okvirni sadržaj za međunarodnu radionicu koja će se održati u oktobru 2014. u Splitu.

Maja Kaljanac je u dogovoru sa Sašom Madackim najavila da se završetak publikacije *Pravno bibliotekarstvo: teorija, praksa i temeljni principi* očekuje u 2016. godini. S obzirom na obim predstojećeg posla, dogovoreno je i jednoglasno prihvaćeno formiranje pomoćnog uređivačkog

odbora koje će asistirati uredništvu publikacije, pomagati autorima u procesu razvijanja i pisanja rada, pregledati dostavljene radove i biti otvoreno za konsultacije, u sastavu:

- **Svetlana Mirčov**
- **Blaženka Peradenić-Kotur**
- **Vera Petrović**
- **Edita Bačić**

Ovaj vid pomoći predviđen je za period prije predaje rada. Nakon predaje, rad preuzimaju urednici.

Takođe je dogovoreno da uredništvo pripremi uputstvo tehničke prirode za oblikovanje teksta, uz usmjerenje na definisanje strukture, kako bi autorima bile date osnovne smjernice prilikom pisanja.

Svaki autor će pisati na vlastitom jeziku (hrvatskom, bosanskom ili srpskom), a u cilju ujednačavanja terminologije sastavni dio priručnika će biti i rječnik specifičnih termina. Poželjno je da svaki autor uoči specifične termine u vlastitom tekstu i iste dostavi uredništvu.

Kako bi posao uredništvu bio olakšan, komunikacija pojednostavljena, a svi podaci objedinjeni i dostupni svim članovima Društva, Ivana Teronić je preuzela obavezu da kreira SEALL-ov folder u Dropbox-u.

Takođe, ponovo je pomenuta inicijativa iz Beograda da se razmišlja i o saradnji sa renomiranim autorima iz regije, koji bi svoj eventualni doprinos u radu na priručniku dali u koautorstvu sa članovima SEALL-a.

U cilju efikasnije realizacije planiranih aktivnosti, dogovoreno je da Sanja Golijanin napravi listu zaduženja i preuzetih obaveza sa datim rokovima i istu u što skorijem roku dostavi svim članovima Društva u formi grafičkog prikaza.

Kratkoročne planirane aktivnosti:

- Uredništvo se obavezalo da pošalje konačne, lektorisane materijale Goranu Petroviću u cilju finalnog dogovora sa Intermex-om, a vezano za štampanje Zbornika radova Društva bibliotekara pravnih i srodnih biblioteka povodom obilježavanja 10. Okruglog stola, Neum 2014
- *Dogovoreno je da Edita Bačić uputi poziv Dejana Golenko za učešće na radionici u Splitu*
- Violetta Bottazzo je preuzela obavezu da sačini osnovni nacrt međusobnog protokola zaduženja i odgovornosti
- U okviru saradnje sa IRZ-om planirane su sljedeće aktivnosti:
 - da se uputi poziv za gostujućeg predavača
 - Arijana Džanović i Dragutin Nemeč su preuzeli obavezu da sačine pismeni podnesak i formulišu zahtjev prema IRZ-u za prevođenje njemačke pravne literature
 - da se sačini plan priručnika (konkretan koncept, sadržaj...) i
 - da se dogovori prevod priručnika na njemački jezik

- Dogovoreno je da svi članovi Društva pripreme praksu iz svojih sredina vezano za bibliotečke standarde
- Ljiljana Siber je preuzela obavezu da se informiše o bibliotečkim standardima i praksi EU
- Edita Bačić je preuzela obavezu da pošalje prijedlog pozivnog pisma/pristupnice institucijama, vezano za učlanjenje istih u Društvo.

Takođe, Edita Bačić je ponovo pokrenula raspravu o neophodnosti sačinjavanja etičkog kodeksa Društva, te je dogovoreno da se po tom pitanju angažuju kolege pravne struke (Goran Petrović, Radmila Dabanović, Dragutin Nemeć i Ljiljana Siber), imajući u vidu specifičnost pravnih biblioteka.

Zbog prihoda Društva manjih od 100.000,00 kuna u posljednje tri godine prihvaćeno je da se Društvo upiše u registar neprofitnih organizacija pri Ministarstvu financija RH i da kao takvo zbog malog finansijskog prometa ne mora podnositi finansijski izvještaj.

Generalni plan rada za naredno razdoblje prihvaćen je u okviru sljedećih sadržaja:

organizacija okruglih stolova, radionica i susreta na regionalnom i međunarodnom nivou, saradnja s pravnim fakultetima, pravosudnim tijelima i drugim srodnim institucijama i bibliotekama Jugoistočne Evrope, kao i izdavanje vlastitih publikacija u saradnji s partnerima.

Skupština završena u 13:30 časova.

ZAPISNIČAR:

OVJEROVITELJ:

1. Sanja Golijanin

2. Blaženka Peradenić-Kotur